

PRAGMATIZM - TADBIRKORLIK FALSAFASI



<https://doi.org/10.24412/2181-1784-2022-23-924-929>

Саифназаров Исмаил

Тошкент давлат иқтисодиёт университети
Ижтимоий-гуманитар фанлар кафедраси профессори
Тел: +998901862005 E-mail: profis48_48@mail.ru

ORCID 0000-0002-4946-4303

ANNOTATSIYA

Pragmatizm falsafiy yo‘nalish sifatida faqatgina bir yo‘nalishga tegishli bo‘libgina qolmay, balki u bir necha soxalarga joriy qilinishi kerak bo‘lgan metod xisoblanadi. Pragmatizm falsafasi metafizika va fandagi qarama – qarshiliklarni chetlab o‘tib, mavjud bilimlarga tayangan xolda optimal xarakat qilish mexanizmi vazifasini bajaradi. Maqolada pragmatizmning ijtimoiy va iqtisodiy ko‘rinishi va uning samarasi haqida ma‘lumotlar keltirilgan.

Kalit so‘zlar: *Metod, eksperiment, xarakat, optimizm, foyda, muvaffaqiyat, moslashuvchanlik, capital, ratsionallik.*

ПРАГМАТИЗМ - ФИЛОСОФИЯ ПРЕДПРИНИМАТЕЛЬСТВА

Исмаил Саифназаров

Ташкентский государственный экономический университет
Профессор кафедры «Социально-гуманитарных наук»
Ташкент / Узбекистан

Тел: +998901862005 E-mail: profis48_48@mail.ru

ORCID 0000-0002-4946-4303

АННОТАЦИЯ

Прагматизм как философское направление – это метод, который не принадлежит одному направлению, но и метод, который следует внедрить в несколько направлений. Философия прагматизма служит механизмом оптимального действия, основанного на имеющихся знаниях, в обход противоречий в науке и метафизике. В статье представлена информация о социально-экономических проявлениях прагматизма и его эффективности.

Ключевые слова: *Метод, эксперимент, движение, оптимизм, прибыль, успех, гибкость, капитал, рациональность.*

PRAGMATISM - THE PHILOSOPHY OF ENTREPRENEURSHIP

Ismail Saifnazarov

Tashkent State Economic University (TSEU)

Department of Social Sciences

Uzbekistan, Tashkent,

E-mail: profis48_48@mail.ru Mobil: +998901862005

ORCID 0000-0002-4946-4303

ABSTRACT

Pragmatism as a philosophical direction is a method that does not belong to one direction, but also a method that should be implemented in several directions. The philosophy of pragmatism serves as a mechanism for optimal action based on existing knowledge, bypassing the contradictions in science and metaphysics. The article provides information on the socio-economic manifestations of pragmatism and its effectiveness.

Keywords: Method, experiment, movement, optimism, profit, success, flexibility, capital, rationality.

KIRISH

Kapitalistik mamlakatlarda, xususan AQSHda «pragmatizm» (yunoncha «pragma» — ish, harakat soʻzidan olingan) falsafiy oqimi keng tarqalgan. Pragmatizm - Amerika tafakkurining oqimi boʻlib, unda amaliyot omili falsafaning metodologik tamoili sifatida qoʻllaniladi.[1:316] Bu nazariyaning asosiy qoidalarini shakllantirgan CH.Pirs (1839–1914) pragmatizmning asoschisi hisoblanadi. Pragmatizmning asosiy gʻoyasi shundaki, falsafa odamlarga hayotiy muammolarni hal qilishda yordam berishi kerak. Shuning uchun, U. Jeymsning fikriga koʻra, pragmatizm birinchi navbatda "metod" boʻlsa, ajablanarli emas.[2:9] Ushbu metodning asosiy vazifasi: qabul qilingan qarorlar va xarakatlarning amaliy natijalarining nisbati qanday, bular odamga foyda keltiradimi kabi muammolarning yechimi xisoblanadi.

Falsafa va fanlarning orasidagi boʻlinish XVII asr oʻrtalariga toʻgʻri keladi. Bunga fanlarning turli xil nazariyalardan amaliyotga, mavxumlikdan aniqlikka oʻtqazuvchi eksperimental usul bilan qurollanishi sabab boʻldi. Chunki fanlarni eksperiment va uning natijalarisiz tasavvur qilib boʻlmaydi. Falsafa esa XIX asr oʻrtalarigacha tajribaga tayanmasdan shakllanib bordi. Faqatgina XIX asr oʻrtalaridagina falsafada "pragmatizm" deb nomlangan mutlaqo original yoʻnalish

paydo bo'ldi. Pragmatistik falsafaning asosi tabiatshunoslikdagi haqiqiy tadqiqot amaliyotlarini bilish edi. Ushbu amaliyotlarni bilish pragmatist faylasuflarga bilish jarayonining asosiy xususiyatlarini va uning inson faoliyatidagi o'rnini tushunishga imkon berdi. Jon Dyui tabiatshunoslik amaliyotini o'rganishda ochib berilgan tamoyillarni o'zining ijtimoiy va siyosiy falsafasiga kengaytirib, bu tushunchaga katta hissa qo'shdi. [3]

Pragmatizm asosiy narsa amaliy muhim natijaga yo'naltirilganlikdir. Kategoriya jixatidan pragmatizm XIX asr o'rtalarida rivojlangan bo'lishi mumkin lekin mavxumlikdan aniqlikka bo'lgan xarakter insoniyat fikrlashni boshlagan davrdan beri amalga oshmoqda. Fikrlash va xarakter uyg'unligi ma'lum bir simmetriyaga erishmasa xam, inson fikrlagan va xarakter qilgan. Xarakter va fikrlash narsalarning mohiyati va xayot ma'nosidan qat'iy nazar va qisman tushungan xolda amalga oshadi. Xuddi shu kabi pragmatizm falsafasi ham amaliyotni qisman tushinishdan kelib chiqadi. Ammo, pragmatistlarning ta'kidlaganidan farqli o'laroq, inson faoliyati atrofdagi dunyoni yaratmaydi, balki faqat insondan mustaqil ravishda mavjud bo'lgan haqiqatni o'zgartiradi. Muvaffaqiyatga erishish uchun insonning ongli faoliyati narsalarning obyektiv xususiyatlari va ularni boshqaradigan qonuniyatlarni bilishga asoslangan bo'lishi kerak. Harakat, pragmatistlar ta'kidlaganidek, bilimni istisno etmaydi, balki uni taxmin qiladi. Taxmin shundan iboratki olamning obyektiv xususiyatlari va ularni boshqarayotgan qonuniyatlar borligicha qabul qilinadi. Noto'liq, nomukammal ma'lumotlardan foydalanib bo'lsada optimallikka intiladi, mavjud bilimlardan foydalilarini ajratib xarakter mexanizmini shakllantiradi. Ushbu mexanizmning vazifasi ham o'z o'rnida inson faoliyatining asosiy mezonini bo'lmish – moslashuvchanlikning ortib borishi va xayot ravnaqini ta'minlashdan iborat. Xarakter pragmatistlar ta'kidlaganidek bilimni istisno etmaydi balki taxminiy ravishda bilimga ko'ra faoliyat yuritadi va eksperimentlardan olingan natijalar orqali uni boyitib boradi. Olingan bilimning obyektivligi muvaffaqiyatning davomiyligini belgilaydi. Albatta, yolg'on g'oyaga amal qilgan holda, qisman, vaqtinchalik muvaffaqiyatga erishish mumkin bo'lgan individual holatlar bo'lishi ham mumkin. Ammo bunday muvaffaqiyat qisqa umr ko'radi. Pragmatizm falsafasi faqatgina fikrlashni mutlaqlashtirmaydi balki fikrlash bilan birga amaliy faoliyatning ham muximligi to'g'risidagi g'oyani ilgari suradi. Fikrlash va harakatning simmetriyasining, fikr va harakat usulini boyitib boradi. Xarakterlarsiz fikrlash shubxaga olib keladi, fikrlashsiz xarakter esa xatoliklarga yetaklaydi. Aynan shu yerda pragmatizm muvaffaqiyatni ta'minlashga yo'naltiruvchi oqim sifatida namoyon bo'ladi. U noma'lumlikdan, erishib bo'lmaydigan xayoliy tushunchalardan, balandparvoz maqsadlardan, og'zaki

utopik muvaffaqiyatlardan, konstativ tamoillardan, o‘zgaraydigan yopiq tizimlardan yuz o‘giradi.

Pragmatizm vakillarining haqiqat muammosiga qarashlari boshqa qarashlardan ajralib turadi. Ularni asosan absolyut haqiqat to‘g‘risidagi fikrlar qiziqirmaydi, balki borliq va ijtimoiy munosabatlar haqidagi to‘plangan ma‘lumotlar ayni damda bu dunyoga mos kelsa va u vaqtinchalik natijador bo‘lsa ham, ular haqiqat xisoblanadi. Bundan kelib chiqadiki bir – birini inkor etuvchi g‘oyalar ham, paradokslar xam pragmatizm uchun haqiqat bo‘lishi mumkin. Pragmatizm dunyoni fraktal tasavvur qilishga o‘xshaydi, mening haqiqatim bu dunyoning haqiqati. Ayrim olingan dalillardan umumiy xulosa qilgan xolda, qism orqali butun tushuniladi. Haqiqatlar nisbiyligi yoki absolyutligi asrlar davomida o‘zgarishi mumkin lekin, pragmatizm uchun haqiqat ayni damda mavjud imkoniyat va aqliy arsenalardan kelib chiqqan xolda xarakat qilish mumkin bo‘lgan haqiqat xisoblanadi. Umuman olganda pragmatizmni moslashuvchanlik falsafasi deb ham atash mumkin.

Xarakatni konstruktiv loyihalaydigan bo‘lsak, insondagi dastlabki xarakatlar instinktiv tarzda tanadagi ehtiyoj va stimullar orqali paydo bo‘ladi. Buni bir so‘z bilan ibtidoiy xarakat deyish ham mumkin. Ibtidoiy xarakatdan tashqari insondagi tafakkur tarzining davomi bo‘lmish murakkab xarakatlar ham muavjud bo‘lib ular qo‘shimcha stimullar va motivlar bilan boyitilgan bo‘ladi. To‘laqonli xarakat qilish uchun esa tafakkur shubxa va noma‘lumliklardan xoli bo‘lishi kerak bo‘ladi.

Pirsning izdoshi Uilyam Jeyms (1842-1910) dunyoni bilishda determinizmning ahamiyatini inkor etadi. O‘zining mavjudligida inson kelajakni haqiqiy oldindan belgilash tuyg‘usini boshdan kechiradi. O‘z harakatlari orqali inson hayot sifatini yaxshilashi mumkin. Jeyms xavf va noaniqlik mavjud bo‘lganda ham harakatga chaqiradi. Shu bilan birga, biz hayotimizga maqsadga muvofiqlik va to‘liqlikni beradigan harakat yo‘nalishini tanlashimiz kerak deya ta‘kidlaydi. E‘tiqod inson hayoti va faoliyatining markazidir. Shu nuqtai nazardan qaraganda, erkinlikning timsoli "energetik aql doirasi" dir. Bunday kayfiyatga asoslangan hayotiy faoliyat hayotning doimiy ma‘nosini topishga, azob-uqubatlarni yengillashtirishga va mavjudlikni insoniylashtirishga imkon beradi. Din baquvvat ong doirasi bilan to‘lgan inson faoliyatining axloqiy maqsadlariga erishishga yordam beradi. Din insonga hayotning salbiy va bema‘nilik tuyg‘usini yengishga yordam beradi. [4] U. Jeyms determinizm konstativ tamoillar orqali umid va xarakatni to‘xtatib qo‘yishini ta‘kidlagan bo‘lsa, M. Veber aynan e‘tiqod doirasida ratsional fikrlash tartibi bilan kapital jamg‘arishni rag‘batlantiradi.[5;16] Maqsadlilik - bu pragmatik shaxsning yana bir ijobiy shaxsiy xususiyati. U harakat qilishdan oldin g‘oyani o‘zi uchun, oilasi

uchun, boshqalar uchun foyda nuqtai nazaridan tushunadi. Ammo ma'lum bir g'oyaning qiymati hech qanday shubha qoldirmasa, u barcha mumkin bo'lgan yo'llar bilan maqsadga erishadi.[6] Pragmatizm to'g'risidagi qarashlarning tahlili shuni anglatadiki, pragmatizm rejadan xarakterga o'tish, amaliyot, natija, shuningdek xarakterlar qiymati va foyda demakdir. Uning asosiy maqsadi tizim faoliyatini yaxshilash, optimal faoliyat yuritishni ta'minlash va foydadan iborat. Pragmatik biznes konsepsiyasining mohiyati: Biznesning pragmatik konsepsiyasi shundan iboratki, jamiyat taraqqiyoti sharoitida biznes muqarrar deb qaraladi. Bu hodisa ham zarur, ham foydalidir, shuning uchun biznes jamiyatning turli qatlamlarining o'zaro ta'siri uchun asos sifatida talqin qilinadi.

XULOSA

Bugungi jamiyatda mamlakatlarning iqtisodi o'tgan asrlarga nisbatan shiddat bilan rivojlanib bormoqda, ushbu rivojlanish mamlakatlarning iqtisodiy salohiyatining samaradorligi bilan belgilanadi albatta. Shuningdek AQSH va Yevropada keng tarqalgan pragmatizm g'oyalarining ta'siri ushbu mamlakatlarning iqtisodiy ko'rsatkichlarida yaqqol namoyon bo'lmoqda. Iqtisodiy pragmatizm nafaqat foyda yoki daromadni ko'zlamasdan balki davlat miqyosidagi g'oyalar xilma – xilligini, ushbu g'oyalardan optimallarini, samaradorligini obyektiv tarzda tahlil qilib uni amalga oshirishni nazarda tutadi. Pragmatizm – tadbirkorlik falsafasi sifatida samarali iqtisodiy tizimni tashkil qilish va uni joriy qilishga qaratilgan xisoblanadi. Iqtisodiyotning konstativ va variativ ko'rinishlari uni pragmatizm doirasida ko'rib chiqilishini dolzarb qilib qo'yadi. Chunki pragmatizm amaliy yondashuv bo'lishi bilan birga bozor iqtisodiyotiga yaqin bo'lib, iqtisodiy siyosat esa prinsipial yondashuvni ham talab qiladi. Samarador iqtisodiy siyosat uchun bir vaqtning o'zida barqaror iqtisodiy tamoillar va moslashuvchan, o'zgaruvchan pragmatistik modellar muhim xisoblanadi. Aynan iqtisodiyotning pragmatik tamoili o'zgaruvchanlik, moslashuvchanlikni o'zida birlashtiradi. Pragmatizm xaos sifatida turli vaziyatlar, o'zgaruvchan bozor bilan ishlashda tamoilga amal qilmasa, biznesni tashkillashtirishda tartibga amal qiladi. Shuningdek turli xil vaziyatlardan foyda olish, istiqbolli rejalar ham iqtisodga nisbatan pragmatik qarashda namoyon bo'ladi. Pragmatizm nuqtai nazardan qaraydigan bo'lsak iqtisodiyotda hech bir tamoilni mutlaqlashtirish yaxshilikka olib kelmaydi, balki ularni vaziyatga qarab ishlatishni maqul ko'radi. Masalan rejali iqtisodiyot va bozor iqtisodiyoti bir – biriga qarama - qarshi ko'ringani bilan aslida ular bir – birini to'ldiradi. Pragmatizm esa optimal variantlardan foydalanib uni amalda sinab ko'rishni tavsiya qiladi.

REFERENCES

1. Юлина Н. С. Прагматизм // Новая философская энциклопедия. В 4 т. Т. 3. М.: Мысл, 2010, 316 с
2. У. Джеймс. Что такое прагматизм? // Вестник Московского Университета серия 7 ФИЛОСОФИЯ № 3, 1993.
3. В.М. Ефимов//Семинар(«Современная западная философия: проблемы и тенденции» Институт(философии(РАН http://iph.ras.ru/sem_mwp.htm)
4. https://studopedia.ru/19_16110_pragmatizm-kak-filosofiya-deystviya.html
5. Протестантская этика и дух капитализма. 1905 (Вебер М.) 14 стр.
6. <https://psychokurgan.ru/info/pragmatizm-cto-eto-takoe-istoriya-vozniknoveniya-ponyatiya-kontsepsiya-raznye-primery-iz-zhizni>
7. Saifnazarov, I., Muhtarov, A., Sultonov, T., Tolibov, A. (2020) Religious tolerance, unity of knowledge and faith issues highlighting in Imam Bukhari Hadiths. International Journal of Advanced Science and Technology 29 (5), pp. 1846-1853.